

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
JU CENTAR ZA SOCIJALNI RAD KAKANJ**

PRIJEDLOG

**PLAN I PROGRAM RADA
JU CENTAR ZA SOCIJALNI RAD KAKANJ
ZA 2018. GODINU**

KAKANJ, FEBRUAR 2018. GODINE

UVOD

Djelatnost Centra za socijalni rad Kakanj u 2018. godini odvijat će se u skladu sa programskim ciljevima i sadržajima socijalne politike na području koje pokriva ova ustanova u zavisnosti od cjelokupnih društvenih kretanja koja će uslovljavati proces rada i prilagođavanje novonastalim uslovima, a posebno od finansijskih sredstava koja će biti utvrđena u budžetima Federacije BiH, Zeničko-dobojskog kantona i osnivača - Općine Kakanj za 2018. godinu.

Osnovna koncepcija Programa je da se u politici provođenja socijalne zaštite nastavi sa pružanjem svih vidova zaštite i pomoći građanima koji se nalaze u stanju socijalne potrebe, ali u isto vrijeme iznalaze i predlažu nova rješenja zajedno sa ostalim nosiocima u organima vlasti.

Radi konstantne težnje za podizanjem kvalitete pružanja usluga kako iz domena socijalne zaštite tako i zaštite CŽR i zaštite porodice sa djecom svoje aktivnosti iz utvrđenog djelovanja rada i propisane nadležnosti Centar će realizovati putem stručnih timova i samostalnih referenata, što će u organizacionom smislu činiti zaokruženu cjelinu za obavljanje predviđenih poslova Centra.

NADLEŽNOSTI CENTRA

Shodno Zakonu o socijalnoj zaštiti, zaštiti civilnih žrtava rata i zaštiti porodice sa djecom (kantonalni zakon) zadaci Centra su sljedeći:

- a) potiče, organizuje i provodi aktivnosti sa svrhom sprječavanja i suzbijanja socijalnih, porodičnih i ličnih problema,
- b) prati i proučava probleme iz oblasti socijalne zaštite i vodi stručno analitičke poslove,
- c) potiče i razvija samopomoć, dobrosusjedsku pomoć, dobrovoljni socijalni rad, dobrotvorne i druge djelatnosti,
- d) obavlja poslove savjetovališta za probleme braka i porodice, odgoja djece, usvojenja , sudjeluje u aktivnostima od značaja za prevenciju i suzbijanje ovisnosti o alkoholu, drogama, drugim opojnim sredstvima i drugim socijalno patološkim pojavama,
- e) preduzima mjere od značaja za unaprjeđenje politike socijalne zaštite,
- f) predlaže, potiče i usklađuje druge aktivnosti u području socijalne zaštite na lokalnom nivou,
- g) podstiče i organizuje aktivnosti od preventivnog značaja za oblast socijalne zaštite,
- h) neposredno pruža usluge socijalnog rada,
- i) obavlja poslove u oblasti socijalne zaštite, zaštite civilnih žrtava rata, zaštite porodice sa djecom, zaštite odgojno zanemarene djece, te učestvuje u izvršavanju odgojnih mjera i mjera zaštitnog nadzora,
- j) pruža savjetodavne usluge i stručnu pomoć pojedincu, porodici i grupama građana,
- k) saraduje sa građanima, mjesnim zajednicama, državnim organima i ustanovama, pravnim licima, udruženjima građana, pravosudnim organima, policijskim upravama i drugim organima, koji mogu doprinijeti unaprjeđivanju kvaliteta socijalnog rada i socijalne zaštite.
- l) vodi propisanu evidenciju i prikuplja dokumentaciju o korisnicima socijalne zaštite, oblicima i uslugama socijalne zaštite, korisnicima civilnih žrtava rata i zaštite porodice sa djecom i vodi stručno-analitičke poslove i dostavlja podatke Ministarstvu,
- m) obavlja poslove i ima ovlaštenja organa starateljstva, utvrđena Porodičnim zakonom i drugim zakonima i propisima,
- n) razvija i unaprjeđuje saradnju sa lokalnom zajednicom,
- o) obavlja i druge poslove utvrđene zakonom, aktima osnivača, Kantona i samog Centra.

Centar u obavljanju djelatnosti primjenjuje, između ostalih, sljedeće materijalne propise:

Zakon o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH“ ,broj: 36/99; 54/04; 39/06; 14/09);

Zakon o socijalnoj zaštiti, zaštiti civilnih žrtava rata i zaštiti porodice sa djecom (“Sl. novine ZDK”, broj: 13/07, 13/11 , 3/15 i 2 /16);

Zakon o upravnom postupku (“Službene novine FBiH” , broj: 2/98 i 48/99);

Porodični zakon FBiH („Službene novine FBiH”, broj :35/05 , 41/05 i 13 /11);

Zakon o zaštiti ličnih podataka („Službeni glasnik BiH", broj: 49/06 i 76/11);

Zakon o jedinstvenom uređivanju prava na gotovinsku naknadu pojedincima u Federaciji Bosne i Hercegovine („Službene novine FBiH“, broj: 9/10) ;

Zakon o zaštiti od nasilja u porodici („Službene novine FBiH“, broj:22/05) ;

Zakon o ravnopravnosti spolova u Bosni i Hercegovini („Službeni glasnik BiH”, broj:16/05);

Krivični zakon FBiH („Službene novine FBiH“, broj:36/03);

Zakon o krivičnom postupku FBiH („Službene novine FBiH“, broj:35/03);

Zakon o zaštiti i postupanju sa djecom i maloljetnicima u krivičnom postupku („Službene novine FBiH“, broj: 7/14);

Zakon o izvršenju krivičnih sankcija u FBiH („Službene novine FBiH“, broj: 44/98, 42/99, 12/09 i 42/11);

Zakon o izvršenju sankcija u Zeničko-dobojskom kantonu („Službene novine ZE-DO kantona“, broj: 6/09);

Uredba o primjeni odgojnih preporuka prema maloljetnicima („Službene novine FBiH“, broj: 6/09);

Zakon o slobodi pristupa informacijama („Službene novine FBiH“, broj:32/01 i 48/11);

Zakon o matičnim knjigama („Službene novine Federacije BiH", broj: 37/12);

Zakon o ličnom imenu FBiH („Službene novine FBiH“ , broj: 7/12);

Zakon o hraniteljstvu u Federaciji Bosne i Hercegovine („Službene novine Federacije BiH", broj: 19/17 objavljen 15.03.2017. godine sa primjenom 15.03.2018. godine ;

Pravilnik o utvrđivanju općih kriterija za izbor odgovarajućih preduzeća, organizacija i ustanova u javnom i društvenom sektoru u kojim će se provoditi odgojna preporuka izrečena maloljetniku („Službene novine FBiH“, broj:43/10);

Pravilnik o ostvarivanju prava na socijalnu zaštitu osoba kojima je priznata međunarodna zaštita u BiH („Službeni glasnik BiH“, broj:3/09);

Zakon o zaštiti osoba s duševnim smetnjama („Službene novine FBiH“, broj: 37/01 i 40/02);

Pravila o zaštiti žrtava i svjedoka žrtava trgovine ljudima državljana Bosne i Hercegovine („Službeni glasnik BiH“ , broj: 66/07);

Odluka o ostvarivanju prava iz osnova socijalne zaštite, zdravstvene i boračko-invalidske zaštite, te obrazovanja djece i omladine, povratnika iz Zeničko-dobojskog kantona na područja entiteta Republika Srpska (Vlada ZDK; Broj:02-35-22929/11 od 01.09.2011.);

Odluka o sprovođenju socijalne zaštite , zaštite civilnih žrtava rata i zaštite porodice sa djecom (“Službene novine općine Kakanj”, broj: 1/08 i 8/14).

Centar se pridržava međunarodnih konvencija i standarda, a svoje programske ciljeve stavlja u funkciju razvojnih strategija na državnom, entitetskom, kantonalnom ili općinskom nivou. Upravljanje finansijama obavlja se u skladu s važećim propisima i standardima iz oblasti finansija, računovodstva , knjigovodstva i trezorskog poslovanja.

SOCIJALNA ZAŠTITA

Socijalna zaštita je organizovana djelatnost u Federaciji, Kantonu i općini usmjerena na osiguranju socijalne sigurnosti građana i njihovih porodica u stanju socijalne potrebe.

Socijalnom potrebom smatra se trajno ili privremeno stanje u kome se nalazi građanin ili porodica, prouzrokovano ratnim događajima, elementarnim nepogodama, općom ekonomskom krizom, psihofizičkim stanjem pojedinca ili drugih razloga koji se ne mogu otkloniti bez pomoći drugog lica, odnosno pomoći društvene zajednice.

Korisnici socijalne zaštite su lica koja se nalaze u stanju socijalne potrebe, i to :

- Djeca bez roditeljskog staranja;
- Odgojno zanemarena ili zapuštena djeca;
- Djeca čiji je razvoj ometen porodičnim prilikama ;
- Lica sa invaliditetom i lica ometena u fizičkom ili psihičkom razvoju;
- Materijalno neosigurana i za rad nesposobna lica ;
- Stara lica bez porodičnog smještaja ;
- Lica sa društveno negativnim ponašanjem ;
- Lica ovisna o psihoaktivnim supstancama ;
- Lica izložena zlostavljanju i nasilju u porodici;
- Lica i porodice u stanju socijalne potrebe, kojima je usljed posebnih okolnosti potreban odgovarajući oblik socijalne zaštite ;
- Druga lica u stanju socijalne potrebe.

Korisnici socijalne zaštite u skladu sa Zakonom ostvaruju sljedeća prava:

- osnovna prava lica sa invaliditetom;
- novčanu i drugu materijalnu pomoć;
- osposobljavanje za život i rad;
- smještaj u drugu porodicu;
- smještaj u ustanove socijalne zaštite;
- kućnu njegu i pomoć u kući ;
- usluge socijalnog i drugog stručnog rada.

Svim navedenim kategorijama građana Centar za socijalni rad će, u skladu sa svojim nadležnostima i mogućnostima, omogućiti ostvarenje Zakonom utvrđenih prava tokom 2018. godine.

Posebna pažnja će se usmjeriti na ranjive kategorije : djecu , lica sa invaliditetom i stara lica .

1. SOCIJALNA ZAŠTITA MALOLJETNIH LICA

1.1. Djeca bez roditeljskog staranja

Djeca bez roditeljskog staranja su djeca bez oba roditelja, napuštena od roditelja, roditelja kojima je oduzeto roditeljsko staranje, i roditelja spriječenih da vrše roditeljsku dužnost.

Zaštita ove kategorije djece ostvaruje se uglavnom kroz sljedeće oblike: smještaj u dječiji dom, smještaj u drugu porodicu, usvojenje i starateljstvo. Smještaj djece bez roditeljskog staranja u dječije domove kao institucionalni smještaj je i dalje zastupljeniji u odnosu na porodični. Ovu praksu pokušavamo promijeniti s ciljem da se u narednom periodu izvaninstitucionalna zaštita više koristi u

odnosu na institucionalnu, obzirom da je ovakav smještaj humaniji i povoljniji. Zbrinjavanje takve djece traje do potpunog rješenja smještaja ili povratka u porodicu.

Podatke o kretanju broja djece oblika i usluga navedenih kategorija teško je predvidjeti, mada dosadašnja iskustva govore da su u porastu starateljstva za posebne slučajeve u postupcima zaštite djece i njihovih prava (u 2017. godini ovaj oblik zaštite ostvarivalo je 12 djece bez roditeljskog staranja).

Centar će u narednom periodu prioritetno raditi na otkrivanju djece koja su iz bilo kog razloga ostala bez roditeljskog staranja i nastojati obezbjediti odgovarajući oblik zaštite.

Centar će u saradnji sa nevladinim organizacijama i resornim Ministarstvom raditi na afirmaciji hraniteljstva kroz pronalaženje adekvatnih porodica za prihvatanje djece, vršiti edukaciju i obuku porodica - potencijalnih hranitelja kroz organizovanje različitih tribina, seminara i sl. i u tom pogledu pružati im stručnu pomoć.

U oblasti zaštite djece pod starateljstvom obavljat će se sljedeći poslovi:

- zaštita prava i interesa djece pod starateljstvom;
- provođenje neposrednog starateljstva Centra;
- smještaj i praćenje djece pod starateljstvom.

1.2. Odgojno zanemarena i zapuštena djeca

Odgojno zanemarena djeca su djeca koja zbog nedovoljnog nadzora i brige roditelja, te negativnog uticaja sredine, narušavaju opće prihvaćene norme ponašanja.

Odgojno zapuštena djeca su djeca koja svojim ponašanjem narušavaju opće norme ponašanja i vrše prekršaje ili krivična djela.

Centar za socijalni rad je značajna karika u lancu institucija koje se bave prevencijom suzbijanja ovih pojava. Rad sa djecom koja su došla u sukob sa Zakonom i djecom koja pokazuju asocijalno ponašanje je veoma kompleksan i odgovoran te zahtjeva multidisciplinarni pristup.

Centar za socijalni rad je zakonski jedina institucija van pravosudnog sistema, koji obavlja radnje u pripremnom postupku, provođenju odgojnih preporuka i odgojnih mjera vaninstitucionalnog karaktera i izvještavanja suda o provođenju ovih mjera, te provođenja preventivnih programa.

Poslovi vezani za ovu kategoriju i mjere koje će se poduzimati su:

- praćenje, evidentiranje i ispitivanje uslova života, intelektualnih i drugih sposobnosti djece sa prisutnim poremećajem u ponašanju,
- praćenje rezultata u odgojno-obrazovnom procesu;
- davanje mišljenja tužilaštvima i sudovima za počinioce krivičnih djela i prekršaja sa prijedlogom mjere;
- sudjelovanje u postupku pred sudskim tijelima kod izricanja odgojnih mjera ili kod obustave postupka,
- sudjelovanje u postupku pred Kantonalnim Tužilaštvom kod izricanja odgojnih preporuka ili kod pokretanja postupka,
- provođenje i izvještavanje o odgojnim mjerama pojačanog nadzora nadležnog organa socijalnog staranja koje izriču sudovi;
- praćenje i izvještavanje o provođenju odgojnih mjera pojačan nadzor roditelja i pojačan nadzor u drugoj porodici kao i drugih odgojnih mjera;
- davanje prijedloga sudovima za obustavu odgojnih mjera;
- aktivna saradnja sa školama, policijom, sudovima i tužilaštvom.

Prema našim očekivanjima broj maloljetnih počinilaca krivičnih djela i prekršaja kao i počinilaca krivičnih djela mlađih od 14. god. će se smanjiti ,uzimajući u obzir uspješnu socijalnu integraciju kod maloljetnika kojima je izrečena odgojna mjera i počinilaca krivičnih djela mlađih od 14. god.(u 2017. godini evidentirano je 4 odgojno zanemarene djece, 9 maloljetnih počinilaca krivičnih djela i 8 počinilaca prekršaja).

Posebna aktivnost Centra za socijalni rad sa ovom kategorijom djece je usmjerena na uključivanje i koordinirane aktivnosti svih društvenih subjekata u cilju preventivnog djelovanja i poduzimanja odgovarajućih mjera na smanjenju broja potencijalnih izvršilaca krivičnih djela i prekršaja kao i stvaranju uslova za primjenu odgojnih preporuka (rad u korist humanitarne organizacije), primjenjujući Zakon o zaštiti i postupanju sa djecom i maloljetnicima u krivičnom postupku.

1.3. Djeca čiji je razvoj ometen porodičnim prilikama

Djeca čiji je razvoj ometen porodičnim prilikama su djeca čiji roditelji zbog nesređenih porodičnih odnosa, materijalnih i drugih razloga nisu u mogućnosti da djeci osiguraju normalne uvjete za pravilan odgoj, fizički i psihički razvoj.

U 2018. godini Centar će nastaviti pružati zaštitu djeci čiji je razvoj ometen porodičnim prilikama kroz pružanje pomoći porodici u sređivanju konfliktnih situacija u porodici, stvarati uslove u primarnoj porodici za njihov normalan rast i razvoj te pružati različite oblike socijalne zaštite, podnositi prijave protiv roditelja koji grubo zanemaruju svoje roditeljske obaveze, vršiti nadzor nad ostvarivanjem roditeljskog staranja nad malodobnom djecom u situacijama gdje se ukaže potreba za takvim vidom zaštite djeteta i uspostaviti saradnju sa svim relevantnim institucijama u rješavanju ovog problema(u 2017. godini evidentirano je 33 djece čiji je razvoj ometen porodičnim prilikama).

1.4.Djeca sa invaliditetom i djeca ometena u fizičkom ili psihičkom razvoju

Djeca sa invaliditetom i djeca ometena u fizičkom ili psihičkom razvoju su djeca,koja su:

- Slijepa i slabovidna;
- Gluha i nagluha;
- Sa poremećajem u govoru i glasu;
- Sa tjelesnim oštećenjima i trajnim smetnjama u fizičkom razvoju;
- Sa smetnjama u psihičkom razvoju (lahkog,umjerenog, težeg i teškog stanja);
- Sa kombiniranim smetnjama (višestruko ometena u razvoju);
- Djeca sa autizmom.

Zaštita ove kategorije djece osigurava se otkrivanjem, evidentiranjem i razvrstavanjem prema stepenu ometenosti u razvoju, osposobljavanjem za život i rad, zbrinjavanjem u druge porodice ili u ustanove socijalne zaštite, osiguranjem prava ili drugih oblika zaštite .

U 2018. godini kao i predhodnih godina , Općinska Prvostepena stručna komisija za ocjenjivanje sposobnosti i razvrstavanje djece i mladih ometenih u fizičkom ili psihičkom razvoju Kakanj obavljat će poslove ocjenjivanja i razvrstavanja djece i mladih ometenih u fizičkom ili psihičkom razvoju prema stepenu ometenosti u razvoju sa određenim preporukama za dalje osposobljavanje za život i rad (u 2017. godini izvršena je ocjena sposobnosti i razvrstavanje za 14 djece i mladih ometenih u fizičkom ili psihičkom razvoju).

Broj djece obuhvaćene osposobljavanjem za rad smatramo da će biti srazmjeran potrebama uključivanja na osposobljavanje (na osposobljavanje za rad u 2017. godini upućeno je 3 djece).

Djelatnost Centra u zaštiti ove kategorije djece planirana je kroz sljedeće aktivnosti:

- otkrivanje, ocjenjivanje sposobnosti i razvrstavanje djece i mladih ometenih u fizičkom ili psihičkom razvoju,
- uključivanje u školovanje i osposobljavanje,
- ostvarivanje saradnje sa osnovnim i srednjim školama kroz uključivanje u školovanje i osposobljavanje, pružanje stručne pomoći po planu zajedničkog osposobljavanja djece i mladih ometenih u fizičkom ili psihičkom razvoju,
- pružanje stručne pomoći pri uključivanju u škole za osposobljavanje i zavode,
- pružanje stručne pomoći pri ostvarivanju prava po pozitivnim zakonskim propisima,
- uključivanje u rad Udruženja za djecu i mlade ometene u fizičkom ili psihičkom razvoju.

2.SOCIJALNA ZAŠTITA PUNOLJETNIH LICA

2.1.Materijalno neosigurana i za rad nesposobna lica

Materijalno neosigurana i za rad nesposobna lica su odrasle osobe, koje nemaju prijeko potrebna sredstva za izdržavanje, nesposobna za rad i ne mogu osigurati sredstva za život, po nekom drugom osnovu.

Centar će u 2018. godini pružati zaštitu ovoj kategoriji stanovništva kroz uvođenje u pravo na stalnu novčanu pomoć, privremenu ili jednokratnu novčanu pomoć u skladu sa kantonalnim Zakonom o socijalnoj zaštiti, zaštiti civilnih žrtava rata i zaštiti porodice sa djecom i Općinskom Odlukom o sprovođenju socijalne zaštite, zaštite civilnih žrtava rata i zaštite porodice sa djecom.

Postupak za ostvarivanje prava na materijalnu pomoć provodi se prema odredbama Zakona o upravnom postupku i Zakona o socijalnoj zaštiti, zaštiti civilnih žrtava rata i zaštiti porodice sa djecom, a kroz provjeru i utvrđivanje uslova života podnosioca zahtjeva za stalnu novčanu pomoć, donošenja rješenja o priznavanju prava i obustavi pomoći i izmjenu rješenja uslijed promijenjenih okolnosti, te utvrđivanje prava na privremenu ili jednokratnu novčanu pomoć.

Broj materijalno neobezbijeđenih i za rad nesposobnih lica iz godine u godinu raste tako da se i u 2018. godini očekuje povećanje broja korisnika stalne novčane pomoći, kao i ostalih vidova zaštite, zbog teškog materijalnog stanja građana (u 2017. godini ukupno aktivnih korisnika prava stalne novčane pomoći je bilo 236 korisnika).

Pored navedenog u Budžetu Općine Kakanj za 2018. godinu usvojena su i sredstva za subvencije za komunalne usluge kategorijama stanovništva u stanju socijalne potrebe koja će se realizovati preko JU Centar za socijalni rad Kakanj.

U nastojanju za poboljšanjem položaja korisnika usluga socijalne zaštite Centar će u narednom periodu uložiti dodatne napore na obezbjeđenju naturalnog davanja putem donatora ili pomoći iz drugih izvora.

2.2. Stara lica bez porodičnog staranja

Starim licem smatra se lice starije od 65 godina života (muškarac), 60 (žena), koji nemaju članove porodice, ni srodnike koji su po Zakonu obavezni da ih izdržavaju, ili ako ih ima, ta lica nisu u

mogućnosti da izvršavaju obavezu izdržavanja.

Poslovi vezani za pružanje zaštite ovoj kategoriji lica odnose se na:

- utvrđivanje uslova života starih lica ;
- pružanje pomoći u ostvarivanju različitih prava (stalna novčana pomoć, prava lica sa invaliditetom, kućna njega i pomoć u kući i dr.) ;
- uključivanje u Javnu kuhinju ;
- stavljanje pod starateljstvo;
- smještaj u ustanovu ili drugu porodicu .

U 2018. godini očekujemo povećanje broja starih lica bez porodičnog staranja a ujedno i povećanje usluga socijalne zaštite prema ovoj kategoriji stanovništva (u 2017. godini su pružene usluge i zaštita za 110 starih lica bez porodičnog staranja).

Očekuje se povećan rast potreba starih lica bez porodičnog staranja za oblikom socijalne zaštite- smještaj u ustanovu a jedan od razloga je socio-ekonomsko stanje u društvu i sve veći broj lica koja ostaju bez porodičnog staranja zbog zanemarivanja srodnika , koji imaju zakonsku obavezu da vode brigu o licima.

U saradnji sa NVO koje djeluju na području općine Kakanj a bave se neposredno zaštitom ove kategorije stanovništva , Centar će zajednički djelovati na polju zaštite kroz programe i projekte .

2.3.Lica sa invaliditetom i lica ometena u fizičkom ili psihičkom razvoju

Lica sa invaliditetom i lica ometena u fizičkom ili psihičkom razvoju su lica,koja su:

- Slijepa i slabovidna;
- Gluha i nagluha;
- Sa poremećajem u govoru i glasu;
- Sa tjelesnim oštećenjima i trajnim smetnjama u fizičkom razvoju;
- Sa smetnjama u psihičkom razvoju (lahkog,umjerenog, težeg i teškog stanja);
- Sa kombiniranim smetnjama (višestruko ometena u razvoju),
- Lica sa autizmom.

U 2018. godini očekujemo povećanje broja lica sa invaliditetom ocijenjenih od strane Instituta za medicinsko vještačenje u postupku ostvarivanja prava (prava lica sa invaliditetom u 2017. godini koristilo 753 lica a na smještaju u ustanove socijalne zaštite bila su 38 štićenika).

Centar će navedenoj kategoriji lica u skladu sa zakonom obezbijediti:

- ostvarivanje prava prema pozitivnim zakonskim propisima ;
- smještaj u ustanove socijalne zaštite ;
- smještaj u druge porodice.

Licima sa duševnim smetnjama će se pristupati u skladu sa Zakonom o zaštiti osoba s duševnim smetnjama , uz aktivno sudjelovanje u postupku oduzimanja poslovne sposobnosti i stavljanja pod starateljstvo kao i pružanja pomoći u smještaju lica u ustanove socijalne zaštite i smještaju u druge porodice.

2.4 .Lica sa društveno negativnim ponašanjem

Lica sa društveno negativnim ponašanjem su lica koja su se odala besposličarenju, skitnji, prosjačenju, prostituciji, alkoholizmu i drugim oblicima društveno negativnog ponašanja, a registrovano je kao lice sa društveno negativnim ponašanjem i kao takvo uključeno u tretman socijalne rehabilitacije.

Mjere koje će Centar poduzimati prema ovim licima u 2018. godini su:

-pružanje pomoći kod ostvarivanja prava na socijalnu zaštitu ,zdravstvenu zaštitu, prava lica sa invaliditetom , prava iz PIO/MIO i dr.prava ;

-pružanje pomoći porodici kod smještaja lica na liječenje;

-uključivanje u Javnu kuhinju ;

-saradnja sa zdravstvenim ustanovama, policijskom stanicom, sudovima, kao i saradnja sa nevladinim organizacijama i vjerskim zajednicama u cilju pružanja pomoći navedenoj kategoriji stanovništva.

Skitnja i prosjačenje kao pojava u velikoj mjeri je izražena u svim dijelovima naše države .

Očekujemo u narednom periodu uključivanje svih nivoa vlasti, od državnog, federalnog, kantonalnog do općinskog u rješavanje ovog problema i sprječavanje eksploatacije prije svega maloljetnih lica radi prosjačenja.

U 2018. godini očekujemo manji broj lica sa društveno negativnim ponašanjem iz razloga što se na polju socijalne rehabilitacije kod ovih lica očekuje pozitivan efekat (u 2017. godini pružene su usluge i zaštita za 5 lica sa društveno negativnim ponašanjem).

2.5. Lica ovisna o psihoaktivnim supstancama

Lice ovisno o psihoaktivnim supstancama je lice koje je registrovano kao ovisno o psihoaktivnim supstancama u nadležnoj kantonalnoj ustanovi, a isto je uključeno u tretman socijalne rehabilitacije, resocijalizacije i reintegracije koji se bez društvene pomoći uspješno ne može okončati.

Za ova lica predviđeno je pružanje pomoći porodici, smještaj u ustanovu socijalne zaštite, pomoć u ostvarivanju različitih prava (u 2017. godini pružene su usluge i zaštita za 2 ovisnika o psihoaktivnim supstancama).

U cilju sprečavanja i širenja društveno negativnih pojava , Centar će poduzimati preventivne mjere kao i usmjeriti rad na ranom otkrivanju.

U okviru svoje nadležnosti Centar će poduzimati odgovarajuće mjere na sprečavanju asocijalnih pojava u saradnji sa Policijskom stanicom Kakanj , Kantonalnim tužilaštvom , Općinskim sudom , Centrom za mentalno zdravlje pri Domu zdravlja Kakanj , Kantonalnim zavodom za borbu protiv ovisnosti ,kao i drugim subjektima .

2.6.Lica izložena nasilju i zlostavljanju u porodici

Žrtva nasilja i zlostavljanja u porodici je lice kome je nanesena fizička, psihička i seksualna patnja ili emocionalna šteta, kao i prijetnja takvim djelima ili propuštanja činjenja dužne pažnje, nebriga i nerješavanje osnovnih potreba, što ga ozbiljno sputava da uživa u svojim pravima i slobodama.

Ovo je sve izraženiji problem u našem društvu. Značajna je uloga Centra za socijalni rad u suzbijanju i sprječavanju ove negativne pojave.

U 2018. godini u skladu sa potpisanim Protokolom o saradnji , Centar će raditi na zaštiti žrtava nasilja u porodici, na prevenciji nasilja u porodici, te na razvoju mjera zaštite prava lica izloženih nasilju u porodici na području općine (u 2017. godini pružena je zaštita za 9 lica izloženih nasilju i zlostavljanju u porodici, a za 7 lica koja su počinila nasilje , izrečene su zaštitne mjere - zabrana uznemiravanja i uhođenja žrtve nasilja , kod 2 lica izrečene su pored navedenih zaštitnih mjera i zaštitne mjere - zabrana približavanja žrtvi nasilja).

2.7.Žrtve trgovine ljudima

Konvencija Vijeća Europe o suzbijanju trgovine ljudima je u BiH stupila na snagu 2008. godine. Oblast trgovine ljudima regulisana je Krivičnim zakonom BiH. U okviru svojih nadležnosti Centar će, shodno iskazanim potrebama, raditi na rješavanju problema trgovine ljudima.

Centar će u 2018.godini žrtvama trgovine ljudima obezbjediti socijalnu i zdravstvenu zaštitu, sigurnost i zaštitu identiteta, pravnu pomoć, pravo na učešće u postupcima protiv počinitelja krivičnog djela, staratelja, pravnog zastupnika koji štiti njegove interese, pravo na rehabilitaciju i resocijalizaciju. Ukoliko je žrtva trgovine dijete, Centar će preduzimati mjere u zaštiti djeteta kroz pružanje porodično-pravne zaštite (u 2017. godini nije bilo evidentiranih žrtava trgovine ljudima).

2.8.Lica i porodice u stanju socijalne potrebe, kojima je uslijed posebnih okolnosti potreban odgovarajući oblik socijalne zaštite

Lica odnosno porodica u stanju socijalne potrebe, kojima je uslijed posebnih okolnosti potreban odgovarajući oblik socijalne zaštite smatra se lice , odnosno porodica koja se nađe u u stanju socijalne potrebe zbog pretrpljene prisilne migracije , repatrijacije , elementarne nepogode , smrti jednog ili više članova porodice , povratka sa liječenja , otpuštanja sa izdržavanja kazne zatvora ili izvršavanja odgojne mjere .

Licima i porodicama u stanju socijalne potrebe koji ispunjavaju uvjete za sticanje i ostvarivanje prava iz socijalne zaštite obezbjeđuju se privremena ili jednokratna novčana pomoć .

U 2018. godini očekuje se povećanje broja zahtjeva za dodjelom privremene ili jednokratne novčane pomoći , uzimajući u obzir tešku materijalnu situaciju porodica i pojedinaca (u 2017. godini 121 lica je ostvarilo pravo na privremenu ili jednokratnu novčanu pomoć).

CIVILNE ŽRTVE RATA

Civilna žrtva rata je lice kod kojeg je tokom rata ili neposredne ratne opasnosti, uslijed ranjavanja ili nekog drugog oblika ratne torture nastupilo oštećenje organizma, što uključuje mentalno oštećenje ili značajno narušavanje zdravlja ili nestanak ili pogibiju tog lica, pod okolnostima Federalnog zakona.

Civilne žrtve rata imaju slijedeća prava:

- Ličnu invalidninu ili mjesečno lično novčano primanje;
- Dodatak za njegu i pomoć od strane drugog lica;
- Ortopedski dodatak;
- Porodičnu invalidninu;
- Zdravstvenu zaštitu;
- Pomoć u troškovima liječenja i nabavci ortopedskih pomagala;
- Osposobljavanje za rad;
- Prioritetno zapošljavanje;
- Prioritetno stambeno zbrinjavanje;
- Psihološku i pravnu pomoć.

Centar vodi upravni postupak kod priznavanja prava civilnim žrtvama rata u skladu sa Federalnim i Kantonalnim Zakonom o socijalnoj zaštiti, zaštiti civilnih žrtava rata i zaštiti porodice sa djecom.

Pored priznavanja prava, Centar vrši obračun i trebovanje sredstava za isplatu civilnim žrtvama rata i

to 70% iz Budžeta Federacije, a 30% iz Budžeta Kantona.

Navedena prava korisnici ostvaruju u skladu sa propisima iz ove oblasti (u 2017. godini 16 lica je ostvarilo pravo na naknadu civilnih žrtava rata).

ZAŠTITA PORODICE SA DJECOM

Osnovna prava porodice sa djecom su:

- Dodatak na djecu ;
- Naknada umjesto plaće ženi-majci u radnom odnosu za vrijeme dok odsustvuje sa posla radi trudnoće;
- Novčana pomoć za vrijeme trudnoće i porođaja žene-majke koja nije u radnom odnosu ;
- Jednokratna pomoć za opremu novorođenog djeteta;
- Pomoć u prehrani djeteta do 6 mjeseci i dodatna ishrana za majke dojilje ;
- Posebni psihosocijalni tretman bračnih partnera koji žele djecu i trudnica;
- Smještaj djece uz osiguranu ishranu u ustanovama predškolskog odgoja;
- Osiguranje jednog obroka u vrijeme nastave u školama osnovnog obrazovanja;
- Pravo na školarine i stipendije đacima i studentima ;
- Jednokratna novčana pomoć za porođaj i opremu novorođenog djeteta

1. Dodatak na djecu

Pravo na dječiji dodatak pripada porodici sa djecom koja se neposredno brine o djetetu, a čiji mjesečni prihodi ostvareni po svim osnovama izuzev primanja ostvarenih iz socijalne zaštite i zaštite porodice sa djecom, po članu domaćinstva ne prelaze iznos od 15% od prosječne plaće Kantona.

Tokom 2018. godine vršit će se uvođenje novih korisnika u pravo na dječiji dodatak, revizija dosadašnjih korisnika prava i pratiti nastale promjene tokom godine.

2. Naknada umjesto plaće ženi-majci u radnom odnosu za vrijeme dok odsustvuje sa posla radi trudnoće, porođaja i njege djeteta

Centar će voditi upravni postupak za priznavanje prava na naknadu na ime porodijskog bolovanja za žene-majke koje su u radnom odnosu, u skladu sa Zakonom o upravnom postupku i Zakonom o socijalnoj zaštiti, zaštiti civilnih žrtava rata i zaštiti porodice sa djecom.

3. Novčana pomoć za vrijeme trudnoće i porođaja žene-majke koja nije u radnom odnosu

Centar za socijalni rad će u 2018. godini voditi upravni postupak za priznavanje prava na naknadu na ime porodijskog bolovanja za žene-majke koje nisu u radnom odnosu, u skladu sa Zakonom o upravnom postupku i Zakonom o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona.

4. Jednokratna pomoć za opremu novorođenog djeteta

Jednokratna pomoć za opremu novorođenog djeteta ostvaruje se u iznosu od 15% od posljednje objavljene prosječne plaće Kantona.

5. Pomoć u prehrani djeteta do 6 mjeseci i dodatna ishrana za majke- dojilje

Pravo na pomoć u prehrani djeteta do 6 mjeseci i dodatnu ishranu za majke dojilje ostvaruje porodilja u trajanju od 6 mjeseci, ukoliko ispunjava uvjete propisane zakonom-kod koje prihod domaćinstva ne prelazi iznos od 50% prosječne plaće Kantona

6. Posebni psihosocijalni tretman bračnih partnera koji žele djecu i trudnica

Pravo na posebni psihosocijalni tretman bračnih partnera koji žele djecu i trudnica ostvaruje se u porodičnom savjetovalištu obrazovanom pri organu starateljstva. Obzirom da ne području općine Kakanj ne postoji porodično savjetovalište isto će se provoditi kroz savjetodavni rad stručnih lica ustanove .

7. Smještaj djece uz osiguranu ishranu u ustanovama predškolskog odgoja

Smještaj djece u ustanovama predškolskog odgoja uz osiguranu ishranu obezbjeđuje se na nivou

Kantona. Pravo na subvenciju dijela troškova boravka pojedinih socijalnih kategorija , ostvaruje se u skladu sa Odlukom o sprovođenju socijalne zaštite , zaštite civilnih žrtava rata i zaštite porodice sa djecom te kriterijima ustanove predškolskog odgoja za subvencioniranja troškova smještaja djece.

8. Osiguranje jednog obroka u vrijeme nastave u školama osnovnog obrazovanja

Pravo na osiguranje jednog obroka u vrijeme nastave u školama osnovnog obrazovanja ostvaruju lica koja ispunjavaju uslove predviđene Odlukom o sprovođenju socijalne zaštite , zaštite civilnih žrtava rata i zaštite porodice sa djecom .

9. Pravo na školarine i stipendije đacima i studentima

Pravo na školarine đacima i studentima, odnosno prednost u smislu bodovanja i rangiranja kandidata, imaju đaci i studenti sa područja Kantona, koji zadovoljavaju kriterije za ostvarivanja ovog prava, a koje utvrđuje Vlada Kantona.

10. Jednokratna novčana pomoć za porođaj i opremu novorođenog djeteta

Jednokratna novčana pomoć za porođaj i opremu novorođenog djeteta – stimulacija nataliteta utvrđuje se u iznosu od 150,00 KM za prvorođeno dijete a 200,00 KM za drugo i svako naredno , shodno Odluci Općinskog vijeća općine Kakanj broj:0-01-151/12 od 28.06.2012. godine .

Naša predviđanja su da će se u tekućoj godini povećati broj korisnika navedenih prava u odnosu na predhodnu godinu (u 2017. godini broj korisnika osnovnih prava porodice sa djecom je sljedeći: dodatak na djecu-1071 ,naknada umjesto plaće ženi-majci u radnom odnosu za vrijeme dok odsustvuje s posla radi trudnoće , porođaja i njege djeteta- 167 , novčana pomoć za vrijeme trudnoće i porođaja žene-majke koja nije u radnom odnosu- 76, jednokratna pomoć za opremu novorođenog djeteta-76 ,pomoć u prehrani djeteta do šest mjeseci i dodatna ishrana za majke -dojilje -178 , dok je broj korisnika osiguranje jednog obroka u vrijeme nastave u školama osnovnog obrazovanja -55).

U 2018. godini Centar će raditi na pružanju pomoći u podizanju, odgoju i zbrinjavanju djece, kao i njihovom osposobljavanju za samostalan život i rad.

Ciljevi zaštite porodica sa djecom su :

- da se osiguraju svoj djeci približno jednaki uslovi za zdrav i pravilan tjelesni , intelektualni i emocionalni razvoj u porodici;
- pomoć u ostvarivanju njene reproduktivne uloge, njezi, podizanju, odgoju i zaštiti djece i poboljšanju kvaliteta života porodice;
- razvijanje humanih odnosa u skladu sa načelima građanskog morala i solidarnosti.

U cilju očuvanju braka i porodice kao organ starateljstva u 2018. godini Centar će pružat stručnu pomoć porodici u rješavanju nesređenih porodičnih prilika primjenjujući porodično-pravne propise zaštite ličnosti, prava i interesa maloljetne djece ugrožene dezintegracijom porodice i prestankom bračne ili vanbračne zajednice roditelja .

ZDRAVSTVENA ZAŠTITA

U skladu sa zakonskim propisima i uputstvom Ministarstva za rad za rad , socijalnu politiku, raseljena lica i izbjeglice ZE-DO Kantona zdravstvenu zaštitu ostvaruju slijedeća lica:

- materijalno neobezbjeđena lica - korisnici stalne socijalne pomoći;

- lica starija od 65 godina pod uslovom da im prihod po članu domaćinstva ne prelazi iznos veći od prosječne plaće u F BiH;
- lica smještena u ustanove socijalne zaštite;
- djeca bez roditeljskog staranja;
- djeca ometena u fizičkom ili psihičkom razvoju;
- djeca smještena u ustanove socijalne zaštite;
- djeca smještena u druge porodice.

Centar će u 2018. godini navedenoj kategoriji lica u skladu sa zakonom obezbijediti ostvarivanje propisanog prava (u 2017. godini pravo na zdravstvenu zaštitu koristilo je 265 lica).

USLUGE SOCIJALNOG I DRUGOG STRUČNOG RADA

Centar će i u 2018. godini pružati mogućnost građanima za ostvarivanje prava na usluge socijalnog i drugog stručnog rada. To će moći ostvarivati pojedinci, porodice i društvene grupe, neovisno od materijalne mogućnosti i korištenja nekog od oblika socijalne zaštite, radi zaštite njihovih prava i interesa i sprečavanja pojava i ublažavanja posljedica stanja socijalne potrebe.

SARADNJA SA OSNIVAČEM I DRUGIM SUBJEKTIMA

U toku 2018. godine Ustanova će nastaviti sa saradnjom sa sljedećim subjektima:

- Općinskim službama Općine Kakanj;
- Federalnim ministarstvom rada i socijalne politike ;
- Kantonalnim ministarstvom za rad , socijalnu politiku, raseljena lica i izbjeglice;
- Ministarstvom unutrašnjih poslova Zeničko-dobojskog kantona - PS Kakanj;
- Općinskim sudom;
- Kantonalnim Tužilaštvom;
- Mjesnim zajednicama sa područja Općine Kakanj;
- Osnovnim i srednjim školama sa područja Općine Kakanj;
- JU Dom zdravlja Kakanj;
- Kantonalnom bolnicom u Zenici;
- Federalnim zavodom za PIO/MIO;
- Sredstvima javnog informisanja;
- Nevladinim organizacijama i drugim institucijama, ustanovama i subjektima.

Predviđa se nastavak saradnje sa MDD „Merhamet“ Kakanj i Crvenim križom općine Kakanj na provođenju posebne obaveze humanitarnog rada i upućivanja korisnika sa potrebama za finansijskom i drugom materijalnom pomoći. Ovakva saradnja je ostvarena i u ranijem periodu.

ZAŠTITA MARGINALIZIRANIH GRUPA

U 2018. godini i dalje će se provoditi aktivnosti na zaštiti marginaliziranih grupa ili grupa pod rizikom, kao što su nezaposlene osobe, samohrani roditelji, djeca bez adekvatne porodične podrške, stari i bolesni, invalidne osobe, žrtve nasilja u porodici i manjinske grupe ,kroz pružanje pomoći socijalno-zaštitnog karaktera.

Aktivno učestvovati u realizaciji Akcionog plana za rješavanje problema Roma iz oblasti zapošljavanja, stambenog zbrinjavanja i zdravstvene zaštite te raditi na realizaciji Prijedloga mjera za

provedbu dokumenta Politika zaštite djece bez roditeljskog staranja i porodica pod rizicima od razdvajanja u FBiH na području ZE-DO kantona.

ANALITIČKO-ISTRAŽIVAČKA DJELATNOST

U cilju sagledavanja stvarnog stanja i predlaganja mjera za poboljšanje rada i stanju u pojedinim oblastima, Centar će najmanje jednom godišnje izraditi sljedeće :

- Plan i program rada Centra,
- Izvještaj o radu Centra,
- Informaciju o položaju korisnika socijalne zaštite,
- Informaciju o položaju djece i omladine bez roditeljskog staranja i djece u sukobu sa zakonom ,
- Informaciju o položaju starih lica bez porodičnog staranja ,
- Izrada projekata u skladu sa potrebama korisnika usluga.

DODATNE AKTIVNOSTI

Centar za socijalni rad će kontinuirano i u 2018. godini sarađivati sa drugim organima i organizacijama, te će radi uspješnijeg obavljanja poslova iz domena socijalne i porodično pravne zaštite, a kako bi zadovoljio potrebe što većeg broja korisnika, raditi na:

- razvoju volonterskog rada, odnosno animiranju građana na pružanju uzajamne pomoći (zajedno sa NVO, općinom, sredstvima informisanja, MZ, srednjim školama);
 - uključivanju institucija od lokalnog značaja (školstvo, zdravstvo, sudstvo, vjerske institucije i sl.) u sprovođenju socijalne politike ;
 - davati podršku starim i iznemoglim licima, djeci bez roditeljskog staranja,invalidnim licima, žrtvama nasilja, nezaposlenim građanima u saradnji sa NVO i drugim lokalnim partnerima;
 - jačati saradnju sa nevladinim organizacijama, te aplicirati na projekte kod nevladinih organizacija.
- Angažovanje većeg broja aktera na pružanju socijalnih usluga proističe iz:
- nemogućnosti vladinog sektora da odgovori na sva složena pitanja iz socijalne zaštite i da udovolji sve većim potrebama u socijalnom sektoru;
 - stalnog povećanja broja korisnika.

FINANSIRANJE

Sredstva za finansiranje socijalne zaštite, zaštite civilnih žrtava rata i zaštite porodice sa djecom osiguravaju se iz:

- budžeta Federacije , budžeta Kantona, budžeta Općine, ulaganja osnivača, privrednih i uslužnih djelatnosti ustanova;
- ličnog učešća korisnika ,poklona i drugih izvora.

Centar za socijalni rad se finansira iz Budžeta Općine, kao osnivača /plaće zaposlenika, materijalni troškovi/.

Iz Općinskog Budžeta finansirat će se:

- a) stalna novčana pomoć u obimu 40% potrebnih sredstava;
- b) privremena i jednokratna novčana pomoć;
- c) jednokratna novčana pomoć za porođaj i opremu novorođenog djeteta ;
- d)osiguranje obroka u vrijeme nastave u školama osnovnog obrazovanja;
- e)posebni psihosocijalni tretman bračnih drugova koji žele djecu;
- f)usluge socijalnog i drugog stručnog rada;
- g)kućna njega i pomoć u kući;
- h) smještaj djece uz osiguranu ishranu u ustanovama predškolskog odgoja;
- i) i druga prava iz socijalne zaštite, koja svojim propisima utvrđuju,odnosno planira Općina.

Iz Kantonalnog Budžeta finansirat će se:

- stalne novčane pomoći u obimu 60% potrebnih sredstava;
- osposobljavanje za život i rad;
- smještaj u drugu porodicu;
- smještaj u ustanovu socijalne zaštite;
- prava civilnih žrtava rata u obimu 30%;
- dodatak na djecu;
- naknada umjesto plaće ženi-majci u radnom odnosu za vrijeme dok odsustvuje sa posla radi trudnoće, porođaja i njege djeteta;
- novčana pomoć za vrijeme trudnoće i porođaja žene koja nije u radnom odnosu;
- jednokratna pomoć za opremu novorođenog djeteta;
- pomoć u prehrani djeteta do 6 mjeseci i dodatna ishrana za majke dojilje;
- školarine i stipendije đacima i studentima;
- zdravstvena zaštita korisnika socijalne zaštite,

Iz Federalnog Budžeta finansirat će se osnovna prava civilnih invalida i civilne žrtve rata u obimu 70%. Finansiranje Centra vršiće se u skladu sa Finansijskim planom za 2018. godinu koji je usaglašen sa Budžetom općine Kakanj za 2018. godinu.

Navedene činjenice upućuju na planiranje rada Centra u granicama prošlogodišnjeg izvršenja, s mogućim odstupanjima od +/-5%. Navedeno se odnosi na aktivnosti koje se provode u skladu sa zakonom kao i aktivnosti na nastavku brige o trenutnim korisnicima i ispitivanje osnovanosti potreba i utvrđivanje prava i usluga po novim zahtjevima stanovništva.

Uzimajući u obzir kompleksnost pristupa socijalnih i drugih javnih usluga kao i težnju za unapređenjem kvalitete pružanja usluga građanima Centar za socijalni rad je u 2018. godini planirao konkretno djelovati sa jasno postavljenim ciljevima i ključnim zadacima kroz Plan aktivnosti .

Osnovni cilj :

- Ostvarivanje socijalne zaštite porodice i njenih članova, kao i građana pojedinca

Konkretni ciljevi u 2018. godini

1. Uvođenje u prava i pružanje usluga socijalne zaštite, zaštite civilnih žrtava rata i zaštite porodice sa djecom ;
2. Pružanje usluga porodično-pravne zaštite;
3. Razvijanje preventivnih programa i programa alternativne zaštite.

Specifični ciljevi u 2018. godini.

1. Blagovremeno rješavanje zahtjeva stanovništva za ostvarivanje prava ;
2. Jačanje institucija braka i porodice;
3. Adekvatan pristup radu u oblasti roditeljskog staranja i starateljstva;
4. Posvećenost i motiviranost radnika za odgovorno izvršavanje povjerenih zadataka.
5. Ključni zadaci

Ključni zadaci Centra u 2018. godini će biti sljedeći:

1. Osiguravanje zaštite za trenutne korisnike
2. Revizija utvrđenih prava
3. Približavanje usluga stanovništvu
4. Otkrivanje i evidentiranje potreba stanovništva
5. Dijagnosticiranje i zadovoljavanje potreba lokalnog stanovništva
6. Planiranje, izvještavanje i informisanje
7. Razvoj međusektorske saradnje
8. Stručno usavršavanje i osposobljavanje radnika
9. Poboljšanje organizacije rada
10. Poboljšanje kadrovske strukture
11. Poboljšanje materijalno - tehničkih resursa
12. Javne nabavke
13. Standardizacija usluga Centra
14. Ostali poslovi

Pregled ključnih zadataka, planiranih aktivnosti za izvršenje zadataka, kao i projekcija očekivanih efekata dati su u tabelarnom pregledu „Plan aktivnosti u 2018. godini“.

PLAN AKTIVNOSTI U 2018. GODINI

R.b.	ZADATAK	AKTIVNOST	OČEKIVANI EFEKTI
1.	Osiguravanje zaštite za trenutne korisnike	-obračun novčanih naknada i dostava spiskova bankama radi isplate -monitoring i evaluacija rada staratelja -izvršenje odgojnih mjera prema maloljetnicima -pružanje savjetodavnih i drugih stručnih usluga -praćenje primjene utvrđenih oblika socijalne zaštite -praćenje i izvještavanje o izrečenim zaštitnim mjerama	-Osigurana zaštita svih korisnika koji su na evidenciji Centra.
2.	Revizija utvrđenih prava	-revizija prava na stalnu novčanu pomoć (SNP) -interna revizija prava na dodatak na djecu i drugih prava -vanredna revizija svih prava socijalne zaštite ako dođe do planirane promjene zakonodavstva na federalnom nivou, odnosno na kantonalnom nivou	-Revizija korisnika SNP i interna revizija DD, smještaja u drugu porodicu ili ustanovu socijalne zaštite kako bi se utvrdile nastale promjene
3.	Približavanje usluga stanovništvu	-razvijanje saradnje sa lokalnom zajednicom (Mjesne zajednice, Škole, NVO i dr.) -planiranje i razvijanje mješovitog sistema pružanja usluga socijalne zaštite (multidisciplinarn pristup) -izdavanje brošura i dr. promotivnih materijala iz sredstava ostvarenih uštedom -obavještanje putem sredstava informisanja	-Nastavljen proces približavanja usluga stanovništvu općine i povećanje kvaliteta pružanja usluga. -Povećan broj partnera u izvršavanju ovih zadataka. -Povećan broj korisnika usluga Centra kao rezultat ovih aktivnosti.
4.	Otkrivanje i evidentiranje potreba stanovništva	-kreiranje i implementacija projekata istraživačkog karaktera u saradnji sa Koordinacionim tijelom za socijalnu politiku općine Kakanj (Izrada socijalne karta stanovništva općine Kakanj , Analiza o položaju starih lica na području općine Kakanj , Informacija o beskućnicima i njihovim potrebama i dr.	-Otkrivene i evidentirane potrebe lokalnog stanovništva

		-anketiranje i intervjui u MZ, Centru i na drugim mjestima -formiranje baza podataka o potrebama stanovništva -distribucija informacija o potrebama stanovništva	
5.	Dijagnosticiranje i zadovoljavanje potreba lokalnog stanovništva	-utvrđivanje prava iz socijalne, porodične i dječije zaštite -zbrinjavanje djece bez roditeljskog staranja i odraslih lica bez porodične zaštite -prihvata i zbrinjavanje djece zatečene u skitnji, prosjačenju i vršenju drugih asoc. pojava -pružanje stručne pomoći i ishrane putem gradske kuhinje za lica u stanju socijalne potrebe -davanje stručnih mišljenja za sudove ili tužilaštva o maloljetnicima u sukobu sa zakonom -davanje stručnih mišljenja za sudove ili tužilaštva o osuđenim licima u smislu primjene Zakona o izvršenju krivičnih sankcija -otkrivanje, evidentiranje, ocjenjivanje i razvrstavanje djece ometene u psiho-fizičkom razvoju -zaštita materijalno neosiguranih lica -pružanje zaštite osobama s invaliditetom -zaštita starih lica bez porodičnog staranja -zaštita ostalih lica u stanju socijalne potrebe -zaštita braka i porodice: utvrđivanje i provođenje mjera porodično-pravne zaštite (posredovanje, povjeravanje, izdržavanje, kontaktiranje i dr) -evidentiranje, prijavljivanje, praćenje i izvještavanje o nasilju u porodici i trgovini ljudima, nastavak saradnje sa UG Medica Zenica na zaštiti žrtava nasilja u porodici (terapijski rad, zbrinjavanje u sigurnu kuću i dr.) -pružanje usluga na zaštiti braka i porodice -pružanje zdravstvene zaštite licima koja nisu zdravstveno osigurana po drugom osnovu -pružanje usluga socijalnog i drugog stručnog rada -u saradnji sa NVO pružati usluge kućne njege i pomoći u kući za stara lica	-Osigurana potrebna zaštita, podrška ili pomoć za sva novootkrivena lica ili lica koja su zatražila pomoć Centra u skladu sa zakonom. -Otvoravanje novih upravnih postupaka za utvrđivanjem prava iz socijalne, porodične ili dječije zaštite. Pružanje usluga socijalnog i drugog stručnog rada. -Izabrana NVO koja će u saradnji sa ustanovom pružati usluge kućne njege i pomoći u kući za stara lica bez porodičnog staranja
6.	Planiranje, izvještavanje i informisanje	-izrada Plana i programa rada, plana aktivnosti i finansijskog plana za 2018. godinu -izrada izvještaja o radu i finansijskog izvještaja Centra za 2017. godinu -odgovori na vijećnička pitanja i pitanja građana i institucija -izrada informacija, analiza i sl. -informisanje putem medija	-Blagovremeno izvršena obaveza planiranja i izvještavanja o aktivnostima i potrošnji finansijskih sredstava Centra u tekućoj godini, te javnost informisana o svim aktuelnostima u Centru u toku godine.
7.	Razvoj međusektorske saradnje	-afirmacija saradnje sa organima i institucijama na osnovu potpisanih protokola o saradnji razvoj novih partnerstava	-Postojeća saradnja unaprijeđena i razvijena nova partnerstva koja olakšavaju obavljanje djelatnosti.
8.	Stručno usavršavanje i osposobljavanje radnika	-upućivanje i prisustvovanje radnika Centra na stručnim skupovima: seminari, radionice, konferencije i sl.	-Stručni potencijali radnika dodatno razvijeni za efikasnije izvršavanje zadataka i kreativniji pristup u izvršenju posla.
9.	Poboljšanje organizacije rada	-donošenje ili usklađivanje akata Centra sa promjenama propisa -usklađivanje broja izvršilaca i opisa poslova u skladu sa Pravilnikom o standardima za osnivanje i pružanje usluga u ustanovama socijalne zaštite i dr.	-Zakonitost u radu, -Poboljšana organizacija i efekti rada

10.	Poboljšanje kadrovske strukture	<ul style="list-style-type: none"> -osiguranje uslova za zapošljavanje novih zaposlenika radi dostizanja standarda utvrđenih Pravilnikom o standardima za osnivanje i pružanje usluga ustanova socijalne zaštite. -osiguranje formalno-pravnih ,materijalnih i finansijskih uslova za provedbu planiranih aktivnosti ustanove -po potrebi angažovanje volontera, pripravnika ili drugih lica po ugovoru o djelu 	<ul style="list-style-type: none"> -Poboljšana kadrovska struktura za kvalitetno i blagovremeno izvršavanje poslova -Osigurana veća posvećenost zaposlenika za odgovorno izvršavanje povjerenih zadataka
11.	Poboljšanje materijalno tehničkih resursa	<ul style="list-style-type: none"> -zamjena amortizovane računarske opreme - nabavka opreme Centra - prodaja putničkog automobila na auto otpad ili otpad sekundarnih sirovina 	<ul style="list-style-type: none"> -Bolji materijalno-tehnički uslovi za efikasnije i racionalnije obavljanje poslova kako u Centru tako i na terenu.
12.	Javne nabavke	<ul style="list-style-type: none"> -izrada Plana javnih nabavki za 2018. godinu -realizacija Plana javnih nabavki u 2018. godini 	<ul style="list-style-type: none"> -Transparentnim postupcima izvršavanje nabavke usluga, roba i radova neophodnih za funkcionisanje Centra.
13.	Standardizacija usluga Centra	<ul style="list-style-type: none"> -jačanje kapaciteta institucija braka i porodice -unapređenje rada u segmentima roditeljskog staranja i starateljstva -pružanje pomoći starim licima bez porodičnog staranja -pružanje pomoći u rješavanju stambenog pitanja beskućnika (u partnerstvu sa lokalnom zajednicom) 	<ul style="list-style-type: none"> -Centar osigurava jasnu poziciju svojih ciljeva, jasne procedure i finansiranje koje se odnose na zadatke Centra. -Poboljšani rezultati u zaštiti braka i porodice i preveniranju drugih pojava, naročito rizika odvajanja djece od porodice, -Unaprijeđena organizaciona i kadrovska struktura u oblastima rada Centra (roditeljskog staranja i starateljstva)
14.	Ostali poslovi	<ul style="list-style-type: none"> -izvršenje vanrednih, neplaniranih poslova 	<ul style="list-style-type: none"> -U granicama nadležnosti, ljudskih potencijala i ostalih resursa izvršeni dodatni –ne planirani poslovi.

RESURSI

Kadrovi

U realizaciji Plana i programa rada JU Centar za socijalni rad Kakanj za 2018. godinu učestvovat će 14 radnika , 7 radnika VSS (4 diplomirana socijalna radnika , 2 diplomirana pravnik , 1 diplomirani socijalni pedagog) 2 radnika VŠS - socijalni radnici , 3 radnika SSS , 1 radnik SSS - III stepen i 1 radnik NSS .

Stručno usavršavanje i edukacije uposlenih radnika će se zasnivati na posebnim, pojedinačnim i kolektivnim programima i planovima Centra, nadležnih ministarstava i NVO. Svi uposleni imaju pravo i obavezu na stručno usavršavanje i edukaciju u skladu sa Zakonom.

Edukacija će se odvijati putem seminara, savjetovanja, simpozijima, okruglih stolova , te nabavkom stručne litarature i na druge načine.

Svi uposleni, posebno stručni radnici imat će obavezu da prisustvuju svim navedenim i drugim oblicima edukacije i da se na taj način edukuju , kako bi bili što bolje spremni za kvalitetno obavljanje svog vrlo odgovornog posla.

Prostorni i tehnički resursi

Da bi što kvalitetnije izvršavao svoju važnu i odgovornu društvenu funkciju Centar za socijalni rad, pored kvalitetnih stručnih radnika, mora imati i neophodna materijalno - tehnička sredstva i opremu.

Uzimajući u obzir da se u Centru radnici koriste sa zastarjelom kompjuterskom opremom u protekloj godini izvršena je nabavka 6 kompjutera .

U 2018. godini Centar će uložiti dodatne napore u cilju nabavke materijalno - tehničkih sredstava i opreme , kako bi izvršili nabavku preostale kompjuterske opreme ,te druga sredstva i opremu.

Zaključak:

Ostvarivanje ciljeva nematerijalne prirode i pružanje usluga stručnog i savjetodavnog rada odvijat će se prema planu i progamu za 2018. godinu, a pružanje usluga finansijske pomoći kao i u prethodnim godinama zavisit će o subjektima koji obezbjeđuju sredstva za pružanje pojedinih vidova pomoći (Općina Kakanj, Ministarstvo za rad , socijalnu politiku i izbjeglice ZE-DO kantona i Federalno ministarstvo rada i socijalne politike).

Prilikom provedbe ovog programa Ustanova će kao i do sada unaprijeđivati i upotpunjavati saradnju s javnim i civilnim sektorom, a naročito sa resornim federalnim i kantonalnim ministarstvima, Općinom Kakanj i drugim subjektima koji na bilo koji način učestvuju u brizi za porodicu, djecu, invalidne, stare i nemoćne osobe te druge osobe koje nisu u mogućnosti brinuti o sebi i svojim osnovnim životnim potrebama.

Dostavljeno:

1. Općinskom vijeću Općine Kakanj
2. Službi za društvene djelatnosti , boračka pitanja , raseljena lica , izbjeglice i povratnike
3. Predsjedniku Upravnog odbora
4. Direktor Centra
5. a/a UO-a
6. a/a Centra

Predsjednik Upravnog odbora:

Mehmedalija Velispahić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
JU CENTAR ZA SOCIJALNI RAD K A K A N J
-UPRAVNI ODBOR -

Broj: 01-05-6-265/18
Datum, 15.02.2018. godine.

Upravni odbor JU Centar za socijalni rad Kakanj , na osnovu člana 9. Poslovnika o radu Upravnog odbora JU Centar za socijalni rad Kakanj, na svojoj XXV. sjednici održanoj dana 15.02.2018. godine, donosi:

O D L U K U

o usvajanju Prijedloga Plana i programa rada JU Centar za socijalni rad Kakanj sa Finansijskim planom za 2018. godinu

I

Ovom Odlukom usvaja se Prijedlog Plana i programa rada JU Centar za socijalni rad Kakanj sa Finansijskim planom za 2018. godinu .

II

Ova Odluka stupa na snagu nakon usvajanja od strane Općinskog vijeća Općine Kakanj .

O b r a z l o Ź e n j e

Direktor ustanove podnio je Upravnom odboru Prijedlog Plana i programa rada JU Centar za socijalni rad Kakanj sa Finansijskim planom za 2018. godinu Upravni odbor je nakon razmatranja isti jednoglasno usvojio .

Dostavljeno:

1. Općinskom vijeću Općine Kakanj
2. Službi za finansije Općine Kakanj
3. Službi za društvene djelatnosti ,boračka pitanja ,
raseljena lica ,izbjeglice i povratnike
Općine Kakanj
4. Predsjedniku Upravnog odbora
5. Direktor Centra
6. a/a Upravnog odbora
7. a/a Centra

Predsjednik Upravnog odbora:

Mehmedalija Velispahić

